

# 春 揮 之 日 今



北京高等師範學校叢書之一  
最新國民地理誌總論之部  
發售預

本校地理教授白月恒新著

本誌分撰為二十餘類計六十

萬言並附圖數十幅裝訂兩厚

冊每部定價四元預約二元五

角欲購布皮金字者外加大洋

八角預約截止期限陰歷十二

月二十日年終出書

發售預約處

北京高等師範學校圖書館  
琉璃廠中華書局公慎書局

燈市口漢英圖書館

漢花園北京大學出版部

外省各大書坊

東安市場第一國貨店

民國九年十一月廿二日出版

今日之彈春

定價一角

著作者盧龍白月恒



北京高等師範學校圖書館

各大書坊

此書有著作

權不准翻印

# 今日之琿春 目次

自序

附琿春五縣略圖

緒論

(一) 琿春在中國之關係

琿春五縣之沿革

琿春五縣之小誌

附間島概略

琿春五縣與國界之關係

琿春五縣與寧古塔之關係

琿春五縣與吉林之關係

琿春五縣與滿洲之關係

琿春五縣與北京之關係

今日之琿春 目錄

琿春五縣與吉會鐵路之關係

琿春五縣與中東鐵路之關係

(二) 琿春與日本之關係

與日本交通上之關係

與日本農業上之關係

與日本商業上之關係

與日本軍事上之關係

與日本對俄之關係

結論

關於新聞之拉雜叢誌

# 自序

邇歲國界橫被外力之蹙者西南稱片馬東北稱琿春然片馬地險阻野人山匪莫所喜琿春地沃瀕日本海爲日所斃片馬距英遠距英領印度亦遠琿春距日近距日領朝鮮尤近由片入滇多山地無鐵軌跋涉艱阻由琿入滿多平野且北有飛駛之中東車南有將築之言會路交通敏且靈片馬無緬民之蹤琿春實韓黨之藪此所以片馬交涉未結而英已浪間島交涉方結而日復來也。是英覬片緩而日謀琿急也。迴溯滿境之在尼布楚訂約之年削龍江之左岸割日本海之西濱在咸豐帝北狩之年斷我滿洲左臂在日韓合併之年於昇萬古桃源之琿春無端而東鄰俄無端而南鄰日商非果鄰日也大韓國之仁人義士固未自認其爲日本之民也是名鄰日而實鄰韓是夙無人迹之琿春忽踞中俄日韓之焦點遠揚名世界而湧現中東亞一大亂源地噫其亂流將奚注乎將奚注乎此民國四萬萬主人翁所當臥薪嘗膽萬矢一的以羣起而塞之者也頃者京津教界滿洲各界全國各界莫不函電力爭莫不專心壹志以研琿春真相而欲國人咸曉然於其地關係中國前途之大恆至斯時竊未敢以臆拙自逃爰取筆泐萬言以供國人參考既成爲之序。

編者自識於北高史地部研究室

今日之彈春 自序





## 緒論

滿洲自長白山而東北以至於海自古爲夏荒寂寞之區山路峻嶒森林無際苦夷大島縱蔽海濱堪查加半島與千島抱其外有一股寒流沿海岸而南注所以氣候嚴冷人烟稀疏瓦爾喀赫哲人種俗所謂魚皮韃子者僅住於黑龍江下流兩岸卽從古最著名之靺鞨女真民族亦只漁獵於松花牡丹兩江之旁若踰艱阻鬱之老松嶺穆稜窩集而東如今日琿春東寧一帶濱海之地則曠無居人大有天荒地老無復漁人問津之勢所以有清入關寧古塔爲流放罪人之地矧更在其極東者乎然而不足恃也人類日繁交通日迫廢棄之墟陡成要害矣溯自一六四三年斯拉夫民族達堪查加半島越百年爲一七六五年更至千島遂由極東方面遙遙圈抱而來又越百年至一八六〇年遂盡割我黑龍江北烏蘇江東之地於是海波凜清之岸忽湧現一海參崴巨埠茅塞苔封之徑忽有長輿纒纒黑烟突突之西伯利亞汽車風馳電掣於其間於是琿春東寧之境始漸爲世人所注目未幾朝鮮爲日人所併間島爲韓民所墜敦賀清津間之航路關會寧吉林間之鐵路萌窮古荒僻之區乃一變而爲強鄰俎上之肉琿春危斯滿洲危斯滿洲危斯京兆危斯京兆危斯民國危何物鮑督敢與日人訂五縣（琿春江清東甯和龍延吉）勦匪之約不啻舉國家根本之地拱手讓入所謂民國



之。主。人。翁。者。可。噤。不。一。言。乎。論。今。日。之。琿。春。

(一) 琿春在中國之關係

琿春五縣之沿革 琿春縣。金烏庫哩部明琿春衛密扎衛清初爲南荒圍場。康熙五十三年始設協領管轄。捕獮牲丁。光緒七年增設琿春副都統。宣統元年裁設琿春廳。民國二年改縣。延吉縣。置海蘭路總管府。明錫璘衛。布爾哈圖河衛。愛丹衛。清爲南荒圍場地。光緒二十八年設延吉廳同知。宣統元年升爲府。民國二年改縣。汪清縣。明阿布達哩衛。清初庫雅拉部。紐呼特氏居此。爲世管佐領。宣統二年析琿春延吉境。設今縣。和龍縣。明廣金河衛。清光緒十年開放和龍峪。光緒西步江爲中韓互市地。二十八年設和龍峪分防。經歷屬延吉廳。宣統二年改設和龍縣。東甯縣。渤海爲率賓府境。金屬恤品路。明爲綏芬河地面。置率賓江衛。清光緒三十三年設綏芬廳。因地僻道阻。僑治寧古塔城。宣統二年析境移治。改名東寧廳。民國二年改縣。以上五縣。除延吉係於光緒二十八年設。置廳治外。其餘四縣。皆置於宣統之年。蓋基於間島問題也。間島問題者。兆其端於同光以來。韓民渡圖們江而竊墾。發其難於日韓合併以後。尋罅隙以窺我邊疆。當光緒十四年。日本駐韓統監府置派出所於間島。以實行占領。經一載之交涉。卒承認圖們江北爲吾疆。遂於宣統元年七月。結中日間島條約。開同子街頭。溝龍開村百草溝等處爲商埠。交涉日繁。地扼要衝。此四縣之所

由設也。

琿春五縣之地誌（五縣之邊皆有一部瀕國界）

（一）琿春縣小誌 琿春係沿古昔土名爲縣名。爲滿語近邊之義。縣境北界東寧。西北界汪清。西南以圖們江界朝鮮。隔江西岸即朝鮮之慶源城也。東界俄領東海濱省。爲吉省最東兩之縣治。老松嶺山脈自長白山東來。至此壓國界而南趨圖們江左岸。縣境適當其環抱之曲。所以全境多山。唯西南一面濱圖們江岸。圖們江北岸之水幾全匯爲嘎雅河流域。獨本縣之水不與焉。祇有一琿春河（即紅旗河）源出土門嶺（老松嶺在縣北界之一部）南流。獨注縣城。即瀕河西岸。距曾口之北十餘里。迴溯距今六十年前（咸豐十年前）轄境東控日本海。扼圖們江口。憑老松嶺以爲城。踐江海以爲池。稱形勝之地。迨成琦劃界以還。割去土字界牌以下三十里之圖們江流。而形勢遽失。雖然縣城南北皆憑大小磐嶺。東北國界長白山。夙蜿蜒。牆立尙稱險固之地。當光緒十二年。清政府派吳大澂重訂中俄界約。以後東省注意邊防。曾於琿春附近建築兩礮台。庚子之役。西礮台燬。焉東礮台尙在。然已損壞不可修整矣。今考東礮台在城東十二里之阿勒坎。西礮台在城西南之外郎屯。一阻敵軍由岩杵河入琿春之路。一阻敵軍由黑頂子入琿春之路。其交通北沿紅旗河。以通東寧。西溯圖們江。以通延吉。西北踰老松嶺。以赴甯安。黑頂子山在圖們江北岸。大磐嶺東爲與俄境通。

今日之琿春 琿春五縣之沿革

道。東北界上長嶺東之邊。柞河亦爲由俄領入境之道。物產河谷附近多腴田。如琿春所屬七屯（城箱西瞰台西河口西水灣子東西間房南小城子北後地屯）統計華民墾田一萬五千零九十九畝有餘。又黑頂子所轄五社（懷恩敬信南義敦仁歸化）計華民墾田六百餘畝。韓民墾田二千三百餘畝。其產物爲元米。大小麥。大米。穀包穀。高粱。稗。大小豆。綠豆。菜豆。豌豆。蕎麥。蘇子。青麻。烟草等。卽就元米一宗。每年出額之價值。可得中錢一百九十七萬三千六百吊。若加農產製造物名烟。蕪麻布。高粱。蘇油。白麵等類。概算。則每年出額當遠過之。今將其鄰俄國界上之標點列之如左。

土字界牌 在圖們江北岸哈桑湖東角外

薩字界牌 當俄境阿濟密河源旗桿嶺上

啦字界牌 當俄境蒙古街河源棺材碯上

帕字界牌 當縣境東北角大瑚布圖河源老松嶺上

土薩二界牌間。復有十五記號。薩字界牌之北。復有一記號。共十六記號。自南向北。依次揭錄。

第一記號在哈桑湖西北角外 第二記號在依蘭咀北

第三記號在倭舒爾闊伏村

第四記號在馬邱甯山南

第五記號在馬邱甯山北

第六記號在沙草峰即黑頂子東

第七記號在大磐嶺東

第八記號在天文台

第九記號在神仙頂子

第十記號在黑山(縣城正東有路通俄)

第十一記號在長嶺嚴杵河源

第十二號在阿麻古力之南

第十三記號在頭道溝東南

第十四記號在頭道溝北

第十五記號在旗桿嶺

第十六記號在梨樹溝嶺

(二)東甯縣小誌 因宣統二年。由甯古塔析置。而在其東。故名東甯。北界密山。西界穆稜甯安。西南界汪清。南界琿春。東界俄領東海濱省。老松嶺。抱於南。關。老婆嶺。與穆稜窩集山。環於西。黃窩集山。阻於北。密林。蘆谷。蕪蔚。四塞。除大綏。芬。河。源。出。汪。清。境。外。蓋。盡。括。綏。芬。河。全。流。域。而。有。之。大。綏。芬。河。自。西。南。流。來。納。北。境。羣。水。匯。流。之。小。綏。芬。河。折。東。流。至。國。界。上。有。大。瑚。布。圖。河。携。小。瑚。布。圖。河。自。南。跨。國。界。北。流。來。注。河。遂。東。入。俄。境。洩。其。尾。闕。於。海。參。崴。阿。穆。爾。海。灣。之。西。側。縣。城。即。瀕。大。瑚。布。圖。河。西。岸。距。會。口。不。遠。迫。近。俄。境。南。憑。老。松。嶺。北。扼。中。東。路。出。界。之。咽喉。東。面。無。可。守。之。險。縣。境。萬。鹿。溝。產。金。(在。小。綏。芬。河。東)山。川。交。錯。頗。多。腴。田。清。光。緒。初。年。設。招。墾。局。於。三。岔。口。是。為。東。清。墾。移。之。發。端。設。局。以。後。三。岔。口。漸。墾。闢。至。最。近。則。小。綏。芬。河。流。域。已。為。墾。民。麋。集。

之所。現在。阜甯屯墾公司經營。墾務股本既富。規畫亦周。將來實業之效。見於吉林者。當以此處爲最著矣。其  
交通。北據中東鐵路。西南有山道通汪清。茲將縣境國界標誌。自南向北。依序臚列於左。

帕字界牌 在大瑚布圖河源老松嶺上

倭字界牌 在綏芬河與瑚布圖河會口北岸

那字界牌 在橫山會處

倭那二牌間有四記號

第十七記號在界牌溝之東 第十八記號在中東路站之南

第十九記號在佛倫河南 第二十記號在佛倫河北

(二)延吉縣小誌 土名延吉岡。又稱局子街。又有南岡之名。卽南荒之轉音。西南界奉天安圖西北界敦化  
寧安。東界汪清。南界和龍。東南當嘎雅河注圖們江處。有小部界朝鮮。老松嶺山脈。自長白山之英額嶺。北走  
爲哈爾巴嶺。東轉爲義松嶺。爲二道老爺嶺。更東走而入汪清琿春之北界。縣境適當其西。鄙曲抱之內。流於  
縣之北境者。爲頭道嘎雅河流於南境者。則布爾哈通河北。納朝陽河南。納海蘭河橫貫縣境。而東注嘎雅河。  
是嘎雅河全域延吉汪清兩縣共之。而延吉實佔其流域之大半也。縣城瀕布爾哈通河之北岸。西臨延吉河。

東依延吉嶺。山川迴合。中多平原。河渠橫午。農利倍饒。表裏山河。形險目固。前清之季。嘗視爲國防要點。蓋恐延吉有失。則圖們流域將成甌脫。若敵更連延而西。撼長白而扼松花江之上游。是吉省東半將分而爲二矣。物產天寶山（海蘭河上游北岸）產銀最著。而農產尤饒。憶當間島問題發生之頃。日本特派農學博士數人。調查延吉農業。歷數月之久。又於六道溝設立農事試驗場。並籌集巨資。創立東洋拓殖會社。是時清廷先後派陳昭常、吳祿貞督辦邊務。設立屯田兵營。陰相抵制。未幾即廢。致爲日人殖民勢力所盤踞。是可痛矣。縣境東盛湧（海蘭河右岸市鎮）銅佛寺（布爾哈通河南岸市鎮）局子街六道溝（海蘭河右岸市鎮）等處墾田已至四萬餘畝之多。

（四）和龍縣小誌 和龍縣土名和龍峪。又名大礮子。其名稱始見於光緒十年吉韓通商章程內。或謂係越墾韓人所名。西南隅芬奉天長白。西界奉天安圖。北界延吉。東南以圖們江與北韓會寧城隔岸相望。由長白山北走之英額嶺。聳立於西。而全境中部有黑山嶺之脈。貫澈東西。最西端曰大穠稽嶺。沿圖們江北岸而東走。包縣城東南。而北轉爲風都嶺。以盡於嘎雅河與圖們江會口之西。凡圖們江之一曲一折。皆緣此山麓而範成者也。山脈東南之水。皆入圖們江北麓之水。皆注海蘭河。故縣境南區圖們江北岸北截海蘭河南岸支流二道。以至八道諸溝。縣城瀕八道溝之上流。其形勝圖們江環帶東南六百里而復上。控其源關係較延吉。

爲尤要。以近接北韓而障其外也。北韓軍事地理根據會寧。逾江北進縣治。當其衝。他日吉會鐵路成。必更握交通之樞。爲滿韓之紐。此形要之在東。終者長白山。脈橫隔滿洲。近古以還。南道久廢。日俄之戰。日人修有軍用電線。溯圖們江。由安圖縣轉出。長白山南沿渾江。以至安東。卽此道也。一旦開關。唯和龍實司其鎖鑰。可以短縮吉奉之距離。轉移南滿之地勢。此形要之在西。路者其對韓交通之路。縣治及光霽峪。縣東北瀕圖們江。皆爲沿江重地。其所屬馬牌光霽峪稽查處。三地皆瀕江。暨和龍峪八道溝所墾之田。達三萬餘畝。而韓民所墾者實逾半數。沿江一帶。以韓民墾闢者爲最多。

(五)汪清縣小誌 汪清縣土名百草溝。因縣治東有大小汪清河故名。汪清滿語本音旺欽。堡壘也。西界延吉北界寧安東寧東界琿春南端一部。臨圖們江與朝鮮接界。老松嶺之脈。曲抱於北。向南支出一嶺曰太平嶺之脈。縱隔全境。爲分水嶺。嶺西屬嘎雅河流域。嶺東屬綏芬河流域。故縣境係跨兩流域之交。嘎雅河支流有寒葱溝大荒溝大小汪清河等。大綏芬河亦携數多小支流。東北流注東寧縣境。形勢圖們江屈曲東流。如几字形。縣境臨據其上。東翅琿春西衛延吉。隔江與韓國穩城相對。會寧茂山慶興慶源鍾城穩城爲韓國沿江六鎮。扼圖們江下游一面之險。無當於遠東全局。(軍事地理重在上游。上游西北可徑趨省垣。汪清遂無險隘足守)縣治東南圖們江北岸之凉水泉子。爲與朝鮮交通要道。由凉水泉子而東北。走至嘎雅河。

東岸之大荒溝地方分歧一路西行逕赴延吉一路東行逕赴東寧凉水泉子所轄春芳春華春和三社所墾之田達五千餘餉內韓民墾者三百晌

附間島概略 韋春汪清延吉和龍四縣並爲間島地唯東寧縣境附麗於間島之北茲特述其概。間島在昔爲無名之地自咸豐時朝鮮人渡江越墾呼爲墾土直茂山者曰茂山墾土直會寧者曰會寧墾土直鐘城者曰鐘城墾土直穩城者曰穩城墾土語音相近稱呼之間不免混淆因是乃有誤指墾土爲間島者。至日人覬覦其地不知始末始專以間島稱之自是間島二字遂變爲該地之通名間島地勢自西而東起伏屈曲成爲一大緩斜地西北環山東南濱河中間山脈河流縱橫貫列其山脈之抱於外者爲英額嶺及老松嶺之長脈而黑山嶺則東西橫走於圖們江之北岸此山南而陡斜急側北面緩漫傾疊成爲一帶之丘陵地稱曰南岡其間最大河流爲嘎雅河搆布爾哈通河海蘭河以南注圖們江圖們江北岸屬間島者大抵險峻之谿谷地居多爲間島中較爲瘠瘠之地海蘭河流域土地曠衍沃野相屬實三岡交通上產業上之中心點布爾哈通河流域上流爲一帶之谷地下流爲一帶之平原間島北部之堂奧在焉嘎牙河流域西岸屬間島者半係丘陵半係平原亦東北方面之門戶也其氣候與滿洲大陸大同小異雨雪之期比較爲多夏期降雨尤甚雷電甚少東部春夏多東南風秋冬多西北風西部春多西南風春秋冬多北風寒



暑變化頗激。夏期溫度最高時達於攝氏三十二度。乃至三十九度。冬期最低時達於零二十度。乃至零三十六度。蓋本爲大陸氣候。而以近於海洋之故。復稍變化者也。產業地味肥沃。黑土居其大半。深三四尺。種植甚宜。農品詳後。森林多松枅。樅。楓。楊。柳。柞。椴等樹。每年入山采伐木材。新材運銷不少。附近金銀煤炭之鑛甚豐。間島四大河流皆產魚。以鮭。鮎。鱒等爲大宗。有專業漁戶從事採捕。製爲乾魚。輸出琿春各處。到處人民多以獵爲業。其狩獵物以虎。熊。狍。子。驢。灰。鼠。鹿。麝。雉。鶴。鴉。獺。貉。貉。等爲主。每年製爲皮貨。藥劑。食肉等。輸出於滿洲各地。及朝鮮。西伯利亞等處。其額甚不少。

琿春五縣與國界之關係 五縣皆觸國界。以勾曲屏列於吉省東南隅。唯臨國界線之長短不一致。東甯南部以河。北部以山。其得國界爲最長。琿春東部以山。南部以江。其得國界爲次長。和龍純以江。其國界之長也。又次之。汪清延吉亦皆以江。其濱國界也最短。夫界者隔也。限也。意謂禁外力之內侵也。故宅有垣。村有堡。邑有城。國有界。範圍有大小。其用意同。故凡國界之所在。宜據形勝。築要塞。以守之。然則琿春五縣何如乎。固弗若。薩彥山。喜馬拉山。有極天之阻。亦匪若徐淮河洛爲四戰之區。老松嶺。穆稜窩集山。黃窩集山。以及穆稜河源。西諸山。此山脈帶。西接長白。西北接寧古塔。皆林箐深密。道路崎嶇。幅平原。洮。灑。之外。岡阜。嵯峨。而聳疊。蓋陵之地也。自不乏可守之險。倘擇隘口。十數處。鎮以礮台。扼以重兵。琿春五縣之境。固稱可守之邊塞。

琿春五縣與寧古塔之關係 滿洲之形勢安在乎興安嶺長白山其金城黑龍嶺綠等江其湯池瀋陽吉林其門戶龍江其別院松遼平原其場圃而堂奧所在則寧古塔是曷言乎寧古塔爲滿洲之堂奧也長白之脈橫於南老嶺之脈(卽小白山脈)障於西遂於滿洲東北深邃之地開一藏風聚氣之奧區北下牡丹松黑以扼韃靼海峽東出窩集以制日本海氣象雄闊罕與倫比女真窟穴於此以滅遼前清肇起於此以墟明明初招撫野人遠迄庫頁而置奴爾干都指揮使於此以資鈐轄誠得控制之宜矣故寧古塔固斯滿洲之根本固寧古塔爲他人所據滿洲心腹之患也而琿春五縣又寧古塔東南之障壁也障壁去斯踰牆之盜直入堂奧滿洲之根本亡矣。

琿春五縣與吉林一省之關係 吉林省有二山脈焉一自長白山北走爲老嶺之脈一自長白山東走爲老松嶺之脈老松嶺之脈當穆稜河源西而東北走者爲完達之長嶺遂隔離省境爲三部老嶺以西之部爲吉林長春濱江繁盛之區猶廣廠之前院也老嶺東卽老松嶺完達山西之部有寧安依蘭兩都會扼牡丹江之雄流山水清麗物產豐珍猶完整之堂奧也老松完達兩嶺以東之部夙昔人煙稀少風氣樸樸自近年始盛行墾闢猶寂寞之後院也琿春五縣當閉塞之區遙隔重重巍嶺若與全境無關也者殊不知其所控制有兩道焉一自間島趨白山可下松花江源以制吉長是間道也一自東寧乘汽車西走濱江遂踞全省水陸樞要

今日之琿春 至琿春五縣與吉會鐵路之關係

十二

是大道也。走此二道皆足以被磨全省震撼雄圖。彼與凱湖北烏蘇江西無此便捷之形勝也是故由琿春以馭江省若操其斧柄焉。若手其六轡焉。是琿春五縣者吉林命脈之所係也。

琿春五縣與全滿之關係 滿洲之門戶有四。臚濱黑河中俄之門戶也。琿春安東中日之門戶也。然臚濱黑屬江省門戶在北安東屬奉省門戶在南。琿春屬吉省門戶在中。破南北戶而入其勢爲由表攻裏衝中戶而入其勢爲由裏攻表。由裏攻表則裏之不存表將焉附。故由琿春北下牡丹江走松嫩平原則江省不得安居。由琿春出間島繞白山之麓東走鴨西走遼斯下游之奉省不知其防是故琿春亡斯滿洲亡。然則臚黑安三戶破尙爲皮膚之患。琿春一戶破斯傷及命門也。

琿春五縣與北京之關係 統觀全國恰克圖塔城中俄之門戶也。葉爾羌亞東騰衝中英之門戶也。河口暨鎮南關中法之門戶也。微論俄英法已無力攻我即使其排闥真入一隔沙漠一隔崑崙南嶺其勢不及於京兆。京兆者全國之首滿洲其冠冕有衛護元首之勢而琿春則又據乎冠冕之頂彼日本蓄其銳鋒倘一刺我冠頂項破斯刃及於上。是琿春一破其害直及於京兆。全國門戶雖多蓋未有如琿春之主要者也是琿春至今日以近於日遂爲全國第一門戶。全國第一門戶失斯亡國之禍愈直捷而痛快矣。

琿春五縣與吉會鐵路之關係 日併朝鮮宛若扼滿洲之左臂而潛伏於肘腋之下於是乘日俄之戰築安

奉鐵路由韓入滿以繫我。藩陽復乘中日間島條約。奪吉會鐵路。建築權由韓入吉。以繫我。吉林省城蓋吉會鐵路者。由圖們江南岸之北韓。會甯城。渡江而北。逕間島之和龍。延吉而西。折逕額穆。以抵吉林。而藩陽吉林之間。又有日本勢力範圍中之吉長。南滿兩軌爲之連接。是田安奉而南滿。而吉長。而吉會。盤成一曲線。以圈我奉吉兩省中心地。以曳入日本勢力範圍之中也。雖然有琿春五縣以扼其衝。而議其後。滿韓樞紐之地。爲之滯塞。斯吉會鐵路終有間關阻遏之虞。鐵路政策爲之不完矣。唯舉五縣折入於日。斯汽車得自由行駛。彼鐵路滅國之陰謀始得寔行於圖鳴松遼之間。

琿春五縣與中東鐵路之關係 自俄人築西伯利亞鐵路。首起波羅維海之東濱。尾垂日本海之西岸。與日本隔水。欲語而又南伸其臂於遼東半島。成丁字勢。以脈搏於全滿。在俄人之野心固欲收白山黑水爲彼。東藩而楊側酣眠。實日本所深惡。所以一戰勝俄。奪其南滿路線。而東清橫衝。尙未能驟遂其得隴望蜀之慾。歐戰遽起。強俄瓦解。霍爾瓦特。攝於亂黨。而困於經濟。遂與英美法會商而返路權於我。此日人所深嫉。痛恨屢騷擾。而亟思攫得者。琿春五縣。南附麗於日。領朝鮮而北扼中東鐵路。在中俄界上之咽喉。日據琿春五縣。則可直行其扼斷之策。果爾則中東路之掉轉爲之不靈。若更擾於哈埠。則彼攫路之大願遂矣。是琿春形勢足以制中東鐵路之死命者也。

(一) 彈春與日本之關係

與日本交通上之關係 滿邊距日最近之縣莫彈春若試披覽東亞地圖滿洲沿邊之城與日本西北之岸其相去最近之點孰有近於彈春者乎日本島國也其赴中國也必先泛海泛海有二途一泛日本海一泛黃海泛日本海則敦賀與彈春已隔岸相望航線直指有朝發敦賀暮抵彈春之勢近可知矣泛黃海則先經日本沿海然後經對馬朝鮮海峽始迂曲入黃海以趨奉天南岸其費時已多矣航黃海來者登岸處二曰大連曰釜山航日本海來者登岸處二曰海參崴曰清津四口岸皆非中國屬地故登岸後又有陸行線其長短又不同茲欲就其不同之海陸線而比較其孰捷孰迂則必於滿洲中部擇一交通焦點以爲之始能行其比較今卽以大阪爲起點長春爲終點而揭其四路之比較於下

(一) 由日本至大連以至長春之路線 由日本至大連先航行於大阪關門間者三百五十英里次航行於關門大連間者六百二十六英里然後走大連長春間之鐵路四百三十五英里合計一千四百一十一英里共需七十七小時

(二) 由日本至釜山走朝鮮以赴長春之路線 大阪關門間三百五十英里關門釜山間一百二十一英里釜山長春間九百四十一英里合計一千四百一十二英里共需七十五小時

(三)由日本至海參崴以赴長春之路線 大阪敦賀間七十五英里。敦賀海參崴間四百八十九英里。海參崴長春間六百三十六英里合計一千二百英里共需六十三小時

(四)由日本趨清津海港以赴長春之路線 大阪敦賀間七十五英里敦賀清津間四百五十五英里清津長春間四百八十英里合計一千零十英里共需五十六小時

右舉四路以清津路爲最近清津海港在朝鮮東岸之北端距圖們江口甚近有輕便鐵道通會甯卽爲吉會鐵路之東端一旦吉會鐵軌築成趨長春之路蓋莫捷於斯矣而彈春實扼滿蒙之交傍斯路東端之側故云滿邊距日最近之點莫彈春若

與日本農業上之關係 彈春者吉林東南農產最富之區也老松嶺之脈蜿蜒東走其北麓有穆稜窩集山黃窩集山綿亘而東北走類皆老樹參天濃林蔽地稱森林之無盡藏而圖們江蘭綏芬三江海流域多廣大之冲積平原腴壤堆積數千載未賞受犁鋤之劫故地力充足農產彌豐僅就間島中四縣而論附晚清以來開墾成熟者十餘萬畝外其未徑啓闢者爲數尙多茲爲列表於左并附農產表於後

### 間島農田面積調查表

今日之彈春 與日本交通上之關係

流域	全面積	森林面積	農作地	可墾農地	禱樹生加保護 可為天然林地	荒山河流無用 地	其他道路及 宅居地
圖們上流	一萬三千一百三十方里	五千二百四十七方里	三百四十九方里	一百三十八方里	一千五百二十方里	四千八百四十方里	三十方里
海蘭阿	一萬二千八百七十五方里	四千六百六十四方里	四百五十七方里	一百五十六方里	一千五百四十方里	六千零零一方里	五十六方里
噶順河	一萬五千八百九十五方里	六千七百零四方里	四百四十一方里	四百四十一方里	二千三百九十九方里	四千七百八十九方里	一百二十方里
嘎雅河	一萬七千一百五十方里	一萬零一百一十三方里	一百三十三方里	二百九十方里	二千零六十六方里	四千四百三十三方里	五十四方里
圖們下流	二萬五千五百五十方里	一千四百四十五方里	五百四十四方里	四百四十方里	三千七百九十九方里	六千二百零九方里	一百零一方里
合計	八萬四千五百五十方里	四萬一千二百九十一方里	一千九百四十五方里	一千五百六十五方里	一萬三千三百七十七方里	五萬六千二百二十二方里	二百二十六方里
農產物	一晌地之收穫量	時	價	農產物	一晌地之收穫量	時	價
元豆	七斗		每斗十二吊	綠豆			每石十五吊
大麥	三石		每石七吊	菜豆			每石十吊

間島農產調查表

小麥	六石	每石二十吊	豌豆	三石	每石十二吊
小米	三石五斗	每石十五吊	蕎麥	三石	每石五吊
穀	七石	每石七吊	蘇子	三石	每石十吊
包穀	六石	每石八吊	大麻	二百斤	每百斤四十吊
高粱	六石	每石十吊	青麻	一百八十斤	每百斤二十吊
稗	三石	每石五吊	普通葉烟草	三百斤	每百斤三十吊
大豆	六石	每石十吊	精選葉烟草	三百斤	每百斤四十吊
小豆	四石	每石十四吊			

由是以觀。彈春五縣之農產。可稱天府樂國。東亞奧區。絕非羣山礪礪之朝鮮。所能及。其萬一而又當日本入滿最近之門戶。折入於彼。則大和民族。可無稿餓之憂。而免斷炊之泣。宜其艷羨而不能自己也。

與日本商業之關係。商業適宜之區。必在乎物產豐饒地之中心。而又扼交通之樞紐。滿洲者。物產豐饒之地也。由間島而甯古塔。而哈爾濱。此三路者。既各成物產豐饒之地之中心。更由哈爾濱南下。遼水之平原。北



走松嫩之廣野皆稱農物充牣之區。復以一線之西伯利亞鐵路。櫟縱北歐之精英。以致其交融於滿洲之境。凡此產域之物產。盡可牽引彙注於琿春之途。而分清津海港成繁盛之商埠。何則他日吉甯鐵路告成。西抵吉垣。連接吉長。然後兩走南滿鐵路。兼通奉安北走哈爾濱。以東西橫衝乎波羅海與日本海之間。且吉甯鐵路既成之後。勢必由額穆爾安建築支軌。以接乎中東鐵路。交叉而爲甯古塔沃壤之中樞。然後又可以與黑龍江水系之航船相聯絡。卽北下牡丹江西由哈爾濱。以上下於松花黑龍烏蘇諸江之水域。是全滿水陸交通。儘可以吉甯一線牽引之。使脈集於間島。而與清津海港。息息相通。清津海港者。距日本最近之海港也。曷使吉甯路成。日本必出其全力以經營其領土之清津。於是北通海參崴。南通朝鮮沿岸諸港。東通日本沿岸諸港。則清津港將一躍而爲東亞商業之巨埠。凡西伯利亞東蒙全滿以及朝鮮日本之物產。莫不以斯港爲聚散之區。大有西奪哈爾濱。北奪海參崴。南奪大連之勢。則日本海將成歐南之地。中滿而清津港。卽不管地中海之威尼斯。馬爾塞。由也。雖然琿春不歸彼管。領則不能力關。間島以大其吸收之力。此其所以注目於琿春也。

與日本軍事之關係 由琿春觀其山脈。老松嶺西接白山。北延於穆稜河源之西。爲大王山。烟筒溝等嶺。遂抵甯古塔之東。以逼中東路。牡丹江水陸交通之中心點。以上山嶺險隘林立。倘我國於甯古塔至琿春之間。

注意國防。絡之以鐵路而擇十數要隘。建築砲台。斯時日本縱築吉會鐵路。既不得北築支線。以接中東鐵軌。而滿韓咽喉亦一變而爲中國之要塞。彼由會甯北走之車。又豈得自由馳騁於其間哉。是誠日本侵略滿洲之軍事上之絕大障礙也。彈春五縣折入於彼斯老松嶺上之要隘。握於彼彼必善擇要害。建築砲台。斯甯古塔之沃壤。入彼囊括。滿洲神經之中樞。歸彼操縱。分軍四出。松遼之廣壤將不有自主之權矣。是故日覬彈春者。卽其滅中國之策源也。

與日本對俄之關係。滿洲者近三十年來日俄爭伺之地也。一櫛之肉。兩犬並爭。卒至相噬而起。日俄之戰。其結果南滿之範圍入日。北滿之範圍入俄。俄人駛其西伯利亞鐵路。以吸北滿之精華。而建軍港於崑崙。是軍港也。東迫日本。南逼朝鮮。雖南鎖其海面。於對馬峽。而俄得由西伯利亞鐵路。以傾注其陸軍。此夙昔日本人之所深惡者也。惡其有礙於日本人之攘奪北滿耳。今築吉會鐵路。由間島至長春。適與中東鐵路併行。一旦以干戈相見。俄車東馳。日車西馳。由長春斷俄人南下之途。由甯古塔斷其中東鐵路軌。以絕海參崴之後援。凡甯古塔一帶。俄人擁以爲糧秣之根據地者。皆轉而供給於日人矣。俄既不得送海軍艦隊。以飛渡對馬海峽。以援其崑崙。而中東路線之後援。又爲之斬絕。斯日本海之西岸。又將屬大日本之版圖。以與庫頁島相聯路。則日本海不啻日本國之內海。恐非他國所能航行矣。然欲達此目的。必始於驅逐俄人。驅逐俄人。又必

自握有間島。以暢其吉會鐵路之行駛始。此日本對俄軍事上之計畫。所以又不能不垂涎於彈春五縣之佔領也。

### 結論

彼東瀛島國。不審世界之趨勢。不顧國際之公理。不務黃種之團結。漫思自殘同種。以遂其鯨吞之慾。冥行不悔。昌言不諱。亦已久矣。彼國以數島連鎖東亞之緣邊。兩側海岸間陸地最廣處不過五六百里（中國里）狹處僅三百里。所以河流短促平原絕少。農產無多。彼之民數已臻六千萬以上。生殖日繁而衣食之源不足。爲充分之供給。於是不得不覓食國外之思想。則將太平洋而東乎？若方興未艾之新大陸固不容日本人之問鼎。而彼亦不敢妄萌窺伺之心。乃徬徨西顧。而艷羨廣漠無際之中國大陸。此其殘害同種。併吞西之志之所由生。

考日本之侵我主權。割我土地。起於同治十三年之殘我生番。遂強奪我琉球。光緒二十年之戰。欲奪我南滿肥沃平原而未得。卒攫我臺灣。離間我五百餘年藩屬之朝鮮。光緒三十年爲瓜分滿洲。遂起日俄之戰。卽假滿洲爲戰場。其蹂躪我人民。誣蔑我國權。實爲國際公法所不容。其結果佔我旅順大連。據我南滿路綫。強築

安奉鐵軌。曾統監於朝鮮光緒三十四年始窺伺我間島土質之腴沃。強欲佔領卒爲眞理所折倒然。以間島條約之結果。攘我吉會鐵路建築之權。迫我開龍井村局子街頭道溝百草溝之商埠以吸我吉省東南交通寔業之利源。未幾日韓合併。撤我東藩彼遂登我大陸而斷我滿洲之左臂。歐戰既起。據我青島窺我山東。又乘我民國基礎未定世界戰禍方酣驟來二十一條之強索以欺詐之術伸其勢力於我滿洲大陸迨俄國瓦裂又思奪取我中東鐵路是自同治十三年以迄於今凡四十七年幾無一日不侵我主權割我土地頃者又有琿春五縣勦匪之要求陡現逕遣兵於我境而肆行無所忌

考近年日本窺我版宇分三路以並進。一自台灣窺我福建。一自青島窺我山東。一自朝鮮窺我滿洲三者相較以窺滿洲爲尤力租旅大踞南滿築安奉攘吉會更加以二十一條之規定盡舉滿洲東蒙境上農工商鑛居住往來種種利益無不囊括捆載以去當是時我之滿洲固已形合而魂離名存而實亡不啻於隱約中爲日本之領土。特未至發明令。以設置疆吏縣官耳。值此將得未得之際所以吞蝕之慾愈迫不及待。不意斯時也。忽有韓黨在間島侵害日本領事館之事。彼遂又得寔佔我滿洲之良機。

夫合勦者。獨窺也。獨勦也。佔據也。據我主權也。間島之主權危。斯寧古塔危。吉林危。滿洲危。斯形合魂離名存實亡之白山黑水。更形離而名亡。向之種種手段。究未得遂其圓滿侵吞之慾。此次假韓黨小問題。以試行其

席捲之策吾聞彈春勦匪之言不啻兇鷲敵貧狼之態神州陸沈之觀

報載本年十月二日早三點突有韓黨百餘人攻彈春之日本領事館死者十餘人傷者二十餘人並焚日人所居市街就此案斷之可確知其爲韓黨之所爲而非中國鬻匪之所爲也其理由有二(1)何爲專攻日本領事館且祇焚日本之市街(2)何以竟無擄掠財帛之行爲是非鬻匪之所爲而爲三韓志士報其滅國之仇也明矣

三韓古國日被日本用騙術吞滅以還首有安重根之刺伊藤義聲一震大地爲驚於是拋志士之元洒愛國之血者前撲後繼此唱彼和如年歲之蝗撲不勝撲如大海之潮澎湃澎湃而不可端倪間島縱橫數百里韓民之淵藪亦其志士之大澤深山也起禍於間島而專攻日本領事館焚日人住市雖三尺童子聞之亦恍然而知其爲大韓烈士之表其亡國之恨復其滅國之仇之猛烈狙擊也彼鬻匪又足以當此哉

報載日本人稱攻領事館者爲中國鬻匪又載日人有供給鬻匪槍械以自製釁端之事寔其供給與否姑不具論假使此次彈春攻日本領事館者縱確係我國鬻匪之所爲日人亦無人我境以勦匪之權浸假我國領事在日本國境而受日人之焚殺吾國遂陳師鞠旅登彼島國之海岸東馳西突喧囂騷擾以肆其勦捕也得乎且由此推之倉猝之變似國幾有浸假日本領事館在英國遇害將遂揚紅日之徽以上大不列顛之島乎

浸假日本領事館在美國遇害將逐驅大和之矮卒以馳騁於新大陸之國疆乎吾知不但無其事且不敢萌其念矣。蓋主權之所不許。公理之所不容也。况攻彈春領事館者又確爲韓黨乎。

甲午以前之韓民中國之民也。日韓合併以後之韓民日本之民。以日本之民攻日本之民。宜在日本之境。如以日本之民攻日本之民。而在中國之境。是爲日本以內亂擾及中國之治安。宜中國詰問日本以侵害之罪。日本寔無理由以向有所要求姑舉一喻。

今有東鄰之人在西鄰宅內受侮。爲東鄰者亦唯有按理責問西鄰之家長。而使懲戒其家人。斷無東鄰遣其家丁。入西鄰宅。以搜捕西鄰家人之理。浸假東鄰竟遣其家丁。入西鄰宅。以搜捕西鄰家人。是爲東鄰侵西鄰之主權。西鄰宜訴東鄰於法庭。使東鄰受相當之法律裁判。

浸假東鄰之人在西鄰宅內。適又有東鄰敗類子弟。潛入西鄰宅。以自侮其家人。是卽爲東鄰潛西鄰宅。以自侮其家人。是卽爲東鄰擾西鄰之治安。當是時不但東鄰不得按理責問西鄰之家長。正宜西鄰按理責問東鄰之家長。西鄰按理責問東鄰之家長。東鄰家長。不但不敢反顏以抗。且須爲卑詞之遜謝。不但宜爲卑詞之遜謝。且宜自懲戒其家人。以後萬不至再擾西鄰之治安。斯時西鄰家長不復深究。則東鄰之家長受惠已多。浸假東鄰家長。不爲遜謝。且遣其悍僕入西鄰宅內。肆行搜捕。碎窗破壁。雞犬不甯。是既擾西鄰之治安於先。

更蕩西鄰之資產於後。是東鄰之所爲。無異盜賊。斯鄉黨齊攻檢察起訴。東鄰不復能存在於公理之內矣。然則日本者吾之東鄰也。彼烏得致其亂黨。擾吾治安於先。又烏得遣其梟卒。躪吾人民於後。彼國以文明自號。甯不知天地間有所謂國際公法乎。嗚呼彼之遣兵於彈春。其意固別有在也。

吾敬告我民國四萬萬主人。今日之彈春。全國第一要害之地也。彈春亡。斯全國之亡。如泡影矣。人軀雖大。觸頂斯亡。巨厦雖宏。抽梁立扑。今日世界上。抱滅我之略者。唯日本。卽全國邊界上。繫其亡之危者。唯彈春。韓黨其導綫。鬻匪其藉口。彈春五縣。何啻全國縮形。四萬萬人之命產。已間接而遭蹂躪。雖然國滅之後。再復神州之全土。已難未滅之先。圖保彈春之一隅。自易。等閒之士。尙不敢拋棄一寸。況此千鈞一髮要害之地。爲全國第一門戶之彈春哉。吾民於此。築圓顛以爲有石拌熱血。以爲泥補此金甌一角。使強鄰不得攔入以行其劫。所不惜也。

關於新聞之拉雜叢誌

## 日本報中錚錚之論

東京十月六日通訊云日本近日對於彈春事件輿論頗爲激昂唯大阪每日新聞昨日社論謂中國官憲迭次替日本取締鮮人此次之變乃偶爾不幸之事萬不宜全歸罪中國立論頗爲正大故不辭冗長將全文追譯以告國民及爲辦理外交事務者之參考

該報謂據近日所報中國彈春地方十月二日拂曉日本領事分館被馬賊襲擊當時日本人死者十名負傷者二十八名(副領事生死不明)領事館全燒日本市街十餘戶概歸灰燼居留民亦多被搶掠準是以觀則此事與尼港慘禍被害範圍雖有多少相異然其性質則全相同且尼港加害者帕爾齊參與彈春之馬賊亦有共通性質第彈春肇事當時有多少俄人及不逞鮮人參加其內此日本官報所已經公認者故此俄鮮人混入一事卽爲研究本事件之善後及對策上重要之點現在關於本事件雖無詳報未能得其真相然事實上之性質蓋已經明白卽襲擊隊襲彈春時先燒日本領事館並轉而燒日本街市其後卽全隊逸去並無何等行動由此推之則襲擊隊之目的專爲加害日本官民卽襲擊隊大部分雖爲吉林地方有名馬賊然其動機決不如從前專劫掠金錢者可知故此俄人及不逞鮮人混入其中乃爲事實上一大重要注意之點也



夫鮮人多數密集於間島一帶（中鮮國境地方）日本官憲對此煞費苦心即日本在浦鹽附近所以駐兵者乃隔絕浦鹽鮮人與間島鮮人之聯絡且頃據朝鮮警務局報告謂近來鮮人多渡豆滿江以圖武力侵入朝鮮六月上旬鮮人五十餘名攜帶鎗砲來慶興穩城方面與日本軍隊接戰其外小規模的種種行動殆無日無之信如是也則今次彈春事件或鮮人越國境侵入朝鮮之前小試其技加害日本官民亦未可知

故今次襲擊隊大部分爲馬賊及中政府對此事件須負責任雖無庸置議然日本政府直如中國南方最近殺傷日人出同一態度責中國政府爲善後之處置此吾人（日人自稱）所大反對者

夫此次事件加害者固是中國人但中國官憲對於此事其取締亦極困難此蓋因肇事之徒不減帕爾齊參殘暴之故因之日本對此慘害縱須要求中國賠償然只宜以此事件之始末爲限決不能責其永久爲此類似事件之保證即此次事件因鮮人參加其內日本政府決不能專責中國負全部責任故日本對此事事件當作一小問題直接解決其外再從根本上着手與中國政府而講兩國對於該地鮮人及馬賊聯絡共同取締之方針且中日政府之間對於取締間島鮮人早有相互之諒解如本年五月小幡公事通告中國外交部請其取締朝鮮獨立失敗潛在內地之鮮人中國政府於吉林省間島地方爲取締鮮人起見特設邊事籌辦處徐省長自爲處長又最近朝鮮總督府西澤外交事務官與延吉道尹張氏在局子街（間島）會見商議間

島治安問題及張作霖取締鮮人十分援助日本等種種事實由此觀之中國對於日本所受鮮人脅威已十分諒解故日本對於此事件寧視爲日本之不幸切勿向中國而發憤慨但近據所報日本爲保護間島在留日人起見有匆匆出兵消息此洵過於性急及不顧中國之體面夫我輩（日人自稱）對於在留民之境遇固表示同情但日本與中國之間無十分諒解即強行出兵此日本所再當慎重之者不過我輩不幸中國對於該地維持治安機關不甚完備從而中日兩國政府不能舉取締之實績但無論如何日本對俄對華萬不能出同一態度故對於中國祇可以親懇態度而講取締之方法即中日官憲於不出兵相互諒解之下而講共同取締之方法且不安與動擾之現象不僅日本一國赤化風潮到處甚盛現此事既累及中國則中國或乘此機會而勦滅馬賊亦未可知故我輩對於本事體不得不望中日兩國以善意好意相折衷之也現日本駐鮮守備隊急遽出動爲臨機應急之處置雖已得中國之諒解然不待言此爲一時之事總之此次事件固是第二尼港事件然萬不能作第二尼港而講善後之策也

### 瑣春一帶之日本軍

瑣春事件日軍利用張作霖鮑貴卿所訂之條件已將所有軍隊分赴各縣入汪清百草溝綏芬甸子者計三中隊入延吉銅佛寺天寶山三道灣者計兩中隊入瑣春東溝鶻鶻子坨盤講者計一大隊一中隊此外沿

圖們江自土字界牌經光霧嶺稽查處以達外六道溝一帶日軍警有五百名以上以上各隊雖謂短少之時即行退出但仍未肯明言日期云

東寧縣又有日兵 日本進兵彈春交涉多日尙無效果乃聞某方面昨又接吉省當局來電謂吉屬東甯縣境近忽開到日軍數百人該軍向駐雙城現尙在陸續運送中除交涉阻止外特聞云云

日人謀奪我警察權之閣議 十一月三日東京通訊云日本對於我國抗議彈春出兵一節彼則不但置若罔聞且尤增派無數之軍隊自由行動以致圖們江北一帶遂陷爲日人蹂躪之境域蔑視中國可謂已極據二日原內閣關於間島撤兵問題之閣議其決議究屬如何外間雖不能詳悉但就東京各報載該閣議散會後滯東京之朝鮮總督齋藤氏在原首相邸與原氏協議約一時間半大致謂中國要求撤兵問題應之則勢難剷除不逞鮮人之禍根不應則軍隊久駐該處亦難免列國之誤解故善後辦法唯有擱得該地警察權較爲上策但要求此等警察權須再與外交陸軍諸當事者協商而後始能爲相當之交涉云

英教士之抱不平 奉天消息云聞彈春英屬教士因日兵強佔該地已呈請其本國總領事向日人提出抗議

## 彈春交涉之最近形勢

交涉之經過及日本提出之條件 彈春交涉十月九日爲日使第一次之交涉十月十二日爲第二次交涉  
日使之照會始言出兵四中隊繼言形勢擴大決定出四大隊後復向外交顏總長聲明四大隊之四字係誤  
譯實爲六字故必派六大隊(平時約三千人戰時六千人)後以此事由地方長官先行交涉然後移京辦理  
迨於本月九日小幡公使赴院聲明該國政府閣議決定於中國軍隊到彈延之時日軍即着手撤退並有本  
使擔保之語故政府據以電告奉天張作霖吉林鮑貴卿原文略謂今晨日使來院稱奉吉派赴延彈之兵迄  
今並未到達究竟開至何處請詳告並云一俟華軍到延日軍即行撤退等語務速催令派遣軍隊從速兼程  
前進云云又據某外人方面報告云日使小幡氏日昨赴外交部訪顏總長答復中國對於撤退彈春日軍之  
要求謂接本國政府訓令爲中國能按日人意思於延吉地方妥爲設防以相當軍隊駐紮彈春龍井村局子  
街八道溝頭道溝等處保護該地日僑並保證此後不復有同樣事故發生對於此次日人所受生命財產之  
損失予以相當賠償則日軍可以撤退倘中國軍隊不能維持該地之治安保衛日本居民則日本不得不自  
駐軍隊即使此次日軍撤退將來再生事變日本仍當保留派兵之權小幡氏談論間並責備東三省巡閱使  
張作霖以大軍調入關內以致三省兵力不足維持本地秩序云又據日人所辦之共同通信社消息云彈春  
撤兵問題已經日本閣議決定辦法電示駐京小幡公使向中國當局交涉小幡公使奉到訓令後即於月之

九日特赴外交部訪顏總長從事交涉茲將日本方面所提出條件揭示如下(一)間島方面日本僑民之生命財產中國須負完全保護之責(二)局子街百草溝頭道溝龍井村等處日本僑民住所中國須增駐軍隊切實保護(三)中國當局倘不能充分保護時須承認日本隨時出動必要軍隊以上所提出各項條件中國如能承認日本即當由閩島即時撤兵云云

鮑貴卿之新軍事協定 總司令部關總司令張旅長誠旅長孟司令並譯轉陶道尹翟參謀王參謀長吳營長丁營長李團長趙營長李營長並由局轉送敦化王團長徐營長均覽前因琿春匪亂波及日本領事館僑民茲經町野顧問聯絡議定雙方會勦兩者不生誤會之事規定辦法如下(一)爲與日本帝國敦重睦誼起見對於左開之事雙方會勦(二)東甯鐵路二十里以外之地域及琿春東甯延吉汪清和龍之股匪不逞鮮人討伐之事由日本軍隊討伐之但於縣城酌留中國軍一二連及巡警維持秩序其餘軍隊調出(三)日本軍行動區域雙方各由官長訓飭彼此以厚意相待不生誤解(四)吉林督軍特爲連絡及蒐集情報之必要可派員於日本司令部中國方面經鮑督軍認爲必要時得由日本軍隊派員委商(五)日本軍隊務期以短少時日完結其軍事行動(六)日本軍隊於所定區域外不得涉足即因追匪關係亦不得逾越以免誤會致生糾葛(七)日本軍隊行動區域應擔保尊重中國人民之生命財產以免有傷兩國人之感情並於中國各

# 民國地志總論之部內容之披露

## 第一章 疆域

### 第一節 位置區劃

第二節 國界(分臨日之界臨俄之界臨英之界臨法之界四大部考証詳明約數萬言)

## 第二章 自然地理上

第一節 山脈 (1)山脈簡表(2)述全國山脈(約數萬言)(3)山脈詳表(一萬言)

第二節 水道 (述全國水道約近二十萬言僅揚子江一水即六七萬言)

### 第三節 湖泊

## 第三章 自然地理下

第四節 海岸 (述渤海東南四海岸之港灣島嶼約數萬言)

第五節 地勢 (分高原邱陵平原三類列各地拔海尺度數百條仍總之以統計凡數萬言)

第六節 氣候 (1)氣候通論(2)中國氣候之七大基因(3)中國氣溫四帶(4)中國風之種類

(5)中國雨量之差異

第七節 地質(述中國太古古生中生新生四界水成火成各岩之迹相及其構造)

## 第四章 人文地理

中國地志總論之部內容之披露

第一節 政治（分中央地方立法行政司法三權揭述其職權及組織）

第二節 面積人口（各分沿革現在兩項詳述之）

第三節 種族（就漢滿蒙回藏苗六族溯其源流記其現狀標其數目考其派別）

第四節 種族之禮俗

第五節 種族之文字

（以上三節專述種族凡五六萬言）

第六節 宗教（詳述各宗教之源流派別及其現狀）

第七節 教育（述其略史及現在之統計）

第八節 軍備（述其沿革及現狀）

第九節 財政（分貨幣賦稅度支國債四項詳述近時之實況）

第十節 實業（分農工商鑛四項詳述其狀況及統計）

第十一節 交通（分車船郵電四種述其沿革現狀及統計對於路債所記尤詳）

第十二節 外交

並附地圖數十幅一切材料既新且備倘一披覽全國真相畢呈眼底既爲民國之主人翁不可不

家置一編人手一冊也

